

He Ngohe Aromatawai ā-Roto Mō ngā mahi whakamahere anake

Te Ingoa o te Ngohe: Ko te reo te kākahu o te whakaaro

Aronga: Te Reo Rangatira 1.2C

Paerewa Paetae: Te Reo Rangatira 1.2

Kaupae: 1

Whiwhinga: 6

He Tohutohu mā te Ākonga

I tēnei ngohe

Me whakatairite koe i te reo o ētahi horopaki e toru, ka āta whakamārama i te hāngai o te reo ki te horopaki.

Te horopaki

I tēnei ngohe ka aromatawaihia tō kaha ki te tātari i ngā pānga o te horopaki ki te reo, o te reo rānei ki te horopaki. Me āta whakaahua koe i ngā āhuatanga motuhake o te reo i tēnā horopaki, i tēnā horopaki. Me kōrero koe mō ngā ōritenga me ngā rerekētanga o te reo i ngā horopaki. Me whakatauiria i ō whakaaro.

Āta rangahaua ētahi kōrero e toru nā te kaiako i tīpako. I tēnei ngohe aromatawai, me whakamārama koe i te hāngai o te reo o aua kōrero ki te horopaki o te kōrero.

Ko te āhua o ngā kōrero e toru nei:

1. He rerekē te horopaki o tēnā, o tēnā.
2. He rerekē anō pea te momo reo.
3. Ka whakatauiria i te reo ā-waha me te reo ā-tā.
4. Ko te reo Māori te reo whakawhiti whakaaro.

Ko tāu he tātari i te reo o aua kōrero e toru ki te whakamārama i te pānga o te horopaki o aua kōrero ki te reo, te reo rānei ki ngā horopaki.

Mā tō kaiako koe e ārahi i roto ngā mahi, māna e whakaae ki ngā horopaki e toru, māna hoki e whakaatu ngā pātai e hāngai pū ana ki te tūmahi.

Me kōrero anō koe ki tō kaiako mō te huarahi tuku i te aromatawai.

Māu anake ngā mahi katoa e mahi.

Hei mahi

- Pānuihia/Whakarongo ki ngā kōrero e toru hei tātari māu.

- Me whai whakaaro koe ki:
 - te wā i puta ai te kōrero
 - te momo reo
 - te pūtakenga kōrero
 - ngā pūkenga o te kaikōrero, o te kaituhi e rangona ai tōna ake wairua
 - te reo ā-tinana o te kaikōrero.
- Mō ia kōrero, whakautua ēnei pātai:
 - He aha te horopaki e noho nei te kōrero?
 - He aha te pānga o taua horopaki ki te reo?
 - He aha ngā āhuatanga motuhake o te reo o aua wā?
 - He pānga ō ngā horopaki ki te āhua o te reo i aua wā? He aha aua pānga?
- Me kōrero ki tō kaiako mō te huarahi hei whakaatu i ō kitenga. I roto i tō whakautu, tēnā:
 - Whakamāramahia te horopaki o te kōrero, o te tuhinga rānei.
 - Tautohua ngā āhuatanga motuhake o te reo e hāngai ana ki te horopaki. Whakatauirahia ngā āhuatanga motuhake o te reo. Tīpakohia ētahi tauira hei tautoko i ō whakaaro.
 - Whakatairitea, whakatauarohia ngā horopaki e toru.
 - Arotakea ngā āhuatanga o te horopaki me te hāngai o te reo ki aua horopaki.

Kuputaka

| | |
|--------------------|---|
| āhuatanga motuhake | <i>specific, technical features peculiar to the context</i> |
| arotake (-a) | <i>evaluate</i> |
| horopaki | <i>context</i> |
| huarahi | <i>method, process, way of doing something</i> |
| kitenga | <i>findings</i> |
| momo reo | <i>genre</i> |
| pānga | <i>impact; effect</i> |
| pūtakenga kōrero | <i>text purpose</i> |
| tātari | <i>analyse</i> |
| tīpako (-hia) | <i>select</i> |
| tūmahi | <i>task, activity</i> |
| whakatairite (-a) | <i>compare, discuss similarities</i> |
| whakatauaro (-hia) | <i>contrast, discuss differences</i> |
| whakatauirā (-hia) | <i>model, exemplify, give examples</i> |